

nüwen strâss, vornen an des dorffs strass, hinnen / an Jaeken Spiegels⁷ guot⁴. Vnd darzu⁴ ab vnserm⁵ aigenn wingarten der darob gelegen, vnd vormâls von / allermenglichem gantzlich ledig lös vnd vnuerkümbert ist, stösset obnen vnd ainhalb an hansen Schniders⁸ / guot⁴, vnne an die alten lantstrass, vnd andrenthalb an Bertschis Bremen guot; ab grund ab grât / ab wünn ab waid, ab gezimber ab gemûr, ab Reban Bomen wasen vnd zwy, ab allen Rechten nutzen / früchten vnd zuogehoerden⁴ benempton vnd vnbenempton, vmb drü vnd zwaintzig pfund guoter⁴ pfenning Costenczer / münss, dero wir bar nâch vnserm⁵ willen von jm gewert vnd bezalt sind; Vnd soellent⁴ wir vnser erben vnd / nachkomenn jn dero hand vnd gewalt dû obgenanten⁹ vnser⁵ gueter⁴ nâch vns⁵ iemer koment ald stand jn weler / wyse dz ist, dem obgenanten⁹ Clausen Stôss sinen erben vnd nâchkomenn, den obgenanten⁹ jrn zins ain pfund vnd / Sechs schilling pfenning, nv hinnenhin alle jâr eweklich yaerklichs⁴ ye vff Sant Martis tag Richten / geben, vnd jn jro gewalt ân jr schaden bringen vnd antwürten ân fürzug; Vnd welchs jârs aber wir / jnen den zins also vff Sant Martis tag nit Richtent, So sind jnen dû obgenanten⁹ vnser⁵ aignü stukk vnd / gueter baidüsament grund vnd grât mit aller zuogehoerd⁴, gantzlich zinszuellig worden vnd dannen-/hin ze Rechtem ewigem aigen gevallen vnd veruallen ân menglichs jrrung; Vnd also soellent⁴ wir / baidesament vnd vnser⁵ erben, Sin vnd siner erben guot⁴ wern vmb dis alles sin, wâ vnd gegen wem sù / des iemer bedurffent ald notdurfftig werdent an gaistlichen oder an weltlichen gerichtent ald anandern (sic) / stetten, mit guoten⁴ trüwen ân widerred, vnd allvart in vnserm⁵ kôsten, vnd ân allen jren schaden. Des ze / wârem offem vrkünd vnd guotem⁴ gezügnüss, haben wir jnen disen brief ernstlich erbetten ze Besigeln / mit des obgenanten⁹ vogtz vnd Ammans ze Vadutz z jnsigel, darvnder wir vns⁵ für vns⁵ vnd vnser⁵ erben / vnd nâchkomen vesteklich verbunden habint; Das selb min Jnsigel jch obgenanter Fritsch von hûwen-/flu⁴, vogt vnd Amman ze Vadutz z von jro Bett wegen, won och si das obgedâcht ewig Redlich / verkoffen, mit miner hand, also getân vnd vollfuert⁴ hând, offenlich gehenkt hab an disen brief, mir / vnd minen erben vnshaedlich⁴, Geben an vnser⁵ herren fronlichams âbend, Nach Crists gebürt vier-/zehenhundert vnd darnach jm ainlufften Jâr .;. —